

四庫全書

集部

欽定四庫全書

柳河東集注卷三十八

宋 董宗說張敦頤潘緯 音釋

表

為裴中丞賀克東平赦表

桂管觀察使裴行立

臣某言伏奉月日德音以淄青蕩平褒功宥罪布告遐

邇者

元和十四年淄青都知兵馬使劉悟斬其節度使李師道以降師道所管淄青登萊沂密鄆曹濮齊

兗海十二州皆平詔赦天下

臣聞肅殺之後每致陽和雷霆既施必

聞青澤

謝中

伏惟陛下體乾剛以運行叶坤元之翕聞百

靈受職六合從風阻兵怙亂者必就梟擒懷忠抱義者

無不甄錄

甄稽廷切

激其效順特加旄節之榮

謂以劉悟為義成節度使

寵以元功遂兼鼎鉉之任

謂田弘正加檢校司徒同中書門下平章事

戎行

窮賞賚之重

行戶郎切

死事極褒卹之優劫脅之役盡除聚

斂之名皆去傷痍受煦

吁句切

老疾加恩豐財已復其征

徭賜種更盈於種陸

陸音重

嚴山川之祀神必有依申義

烈之家物無不感周王推忠厚之化漢帝慙愷悌之風

太平之德斯為至盛

一本作太平之業既崇中興之德斯至

然則虞巡可

復告成將慶於岱宗漢典方行講禮再榮於闕里

後漢章帝

過魯幸闕里以太牢祠孔子

臣謬膺重寄獲覩太和抃蹈之誠倍萬

恒品謹已施行郡邑宣示軍戎莫不動地歡呼若醉千

鍾之酒騰天鼓舞如聞九奏之音

趙簡子夢遊鈞天廣樂九奏

無任慶

賀踊躍之至

柳州賀破東平表

元和十四年誅李師道

臣某言即日被觀察使牒李師道以月日克就梟戮者

集堅亮切斷  
首倒懸也

帝德廣運唐命惟新  
霾曠廓清

潘云霾莫皆切曠一

計切霾雨土也陰而風曰曠

天地貞觀率土臣庶慶抃無涯

中謝

伏惟

睿文聖武皇帝陛下威使百神德消六沴

潘云作沴同徒典郎計二

切五行氣之相蕩曰沴青庚

天降寶運時歸太平自克夏擒吳剪蜀

平蔡

夏謂楊惠琳吳謂李鉞蜀謂劉闢蔡謂吳元濟

殊類稽顙羣疑革心唯此

兇妖尚聞悖慢庭議既得廟謀必臧

謀一本作謨字

旌旗燭耀

於洪河金鼓震驚於靈岳

東岳泰山

鄆城自濟寧同莒魯之

爭

鄆土問切唐鄆州東平郡左傳昭公元年莒魯爭鄆為日久矣

齊地悉平無俟耿陳

之戰

耿古幸切光武詔耿弇討張步  
弇率陳俊等擊祝阿齊地悉平

五兵永戢七德無

虧

左傳武  
有七德

含生比堯舜之仁率土陋成康之俗介丘霧

息已望翠華之來

文選南都賦  
翠華車蓋也

沂水風生更起舞雩之

詠千歲之統實在於斯臣守在蠻荒獲承大慶抃躍之

至倍萬常情

晏本更有伏以舜念克勤禹思受益無疆  
惟邺既聞政理之方靡不有初願獻持盈

之戒介丘

霧息云云

代裴中丞賀分淄青為三道節度表

裴行立

臣某言伏見某月日制分淄青諸州為三道節度都團

練觀察等使者

元和十四年分李師道所管十二州為三道以鄆曹濮為一道淄青齊登萊為

一道兗海沂密為一道

蛇豕之穴忽為樂郊氛沴之餘盡成和氣

伏惟皇帝陛下天付昌期神開寶歷復昇平之土宇拔

妖孽之根源自西自東不違於指顧我疆我理咸得其

區分山川備臨制之形道塗適征徭之便俾侯既定賜

履以寧

左傳僖公十四年齊管仲曰賜我先君履注履所踐履之界

異青兗之封爰

從古制解曹衛之地實契雅謀

左傳僖公二十八年分曹衛之田

車甲

永藏馬牛勿用俗被雍熙之化代知仁壽之期農事載

盛於耨芟

耨九豆切潘本作耨音加連枷治穀具也又作枷

儒風重興於俎豆

足使季札觀魯更陳南籥之儀

左傳襄公二十九年吳季札訪觀周樂見武象

籥南籥者

山甫徂齊復正東方之賦

燕氏詩

臣總戎遠地不獲

陪賀闕庭抃躍之至倍萬恒品

為韋侍郎賀布衣竇羣除右拾遺表

韋夏卿所薦

臣某伏見今日日制除布衣竇羣右拾遺者臣聞直道

之行四方嚮德逸人是舉天下歸心

中謝

臣伏以竇羣肥

遯居貞苞蒙養正學術精果操行堅明讚詠道真以求



其志頃守藩服特所委知及歸朝廷輒有聞薦庶逃竊  
位之責以塞曠官之尤豈謂天聽曲從瞽言無廢汎諫  
諍之職政化是參擢於布衣久無其比周行慶抃林藪  
震驚晦跡寧慮於遺賢懷才盡思於展效臣以性本庸  
疎動無裨益唯思進拔以報恩榮區區懇誠實貫金石  
言而不廢微臣敢竊於薦雄王音薦揚雄待詔德必有隣聖代  
式光於尊隗燕昭王尊郭隗自羣受命冀復面陳迫以疾病接  
於休假注心蓄念寤寐兢惶無任喜躍屏營之至

為樊左丞讓官表

一本作韋左丞

臣某言伏奉今月二十八日制除臣尚書左丞寵命俯臨慙顏自失泛大鯨之海但覺魂搖戴巨鼇之山未知恩重

中謝

臣聞尚書百揆翊亮萬幾故天上尊北斗中樞

陛下有南宮左轄晉昇孔坦諒直當時漢拜楊喬閑練故事庶得百寮有憚於會府諸侯取法於京師臣實謏

才

謏先鳥切小也

謏登清貫握蘭起草昔秦朝經剖竹頒條近

貽人煥備歷中外無聞聲彩版圖載緝貢賦未均於九

州銅印更操威儀不檢於三署次郎補缺豈易其人聖

主求才宜難此受切謂旁求俊乂側訪瓌奇

瓌古同切

必使

德合準繩言成綱紀興化致理時無間言況安上必在

於薦賢危身莫踰於曠職倘蒙垂收紫渙

謂詔書也今本作紫綬非

俯矜丹誠愚臣保陳力之言聖鑒有責成之地無任醜

冒惶悚之極謹詣朝堂奉表陳讓以聞臣所讓人別狀

封進

為王戶部薦李諒表

王叔文

臣某言臣聞知賢必進忠臣之大方擇善而居明主之  
要道況臣特受恩遇超絕古今報國之誠寤寐深切是  
敢竭愚臣之微分助陛下之至明恢張羽儀弘輔治化  
臣某誠惶誠恐頓首頓首切見新授某官李諒清明直  
方柔惠端信強以有禮幹而甚文幹一本  
作敏求之後來略  
無其比臣自任度支等副使以諒為巡官未及薦聞至  
某月日荆南奏官勅下赴本道諒實國器合在朝行臣  
之所知尤惜其去伏望天恩授以諫官使備獻納冀他

日公卿之任斯焉取斯則聖朝無乏士之名微臣緩蔽賢之罰無任誠懇屏營之至

為戶部王叔文陳情表

貞元二十一年王叔文母死匿喪不發置酒翰林自稱母疾病今當請急左右竊語曰母死已屬矣留此將何為

臣某言臣母劉氏今月十三日忽患暗風發動暗一本作瘡

狀候非常今雖似退猶甚虛憊都活涉當二切驚惶憂苦不知

所圖臣唯一身更無兄弟侍疾嘗藥難闕須臾伏乞聖

恩停臣所職今臣見在家扶持其官吏等並已發遣訖  
臣以庸微特久顧遇拔自卑品委以劇司夙夜兢惶唯  
思答效至誠至懇天睠所知豈慮未效涓塵遽迫方寸

蜀徐庶指心曰今夫老母方寸亂矣

以開塞重輕之務加焦勞憂灼之懷

雖欲徇公無由枉志況忠孝同道臣子之心許國誠切  
於死生報親忍忘於顧復進退窮感昧死上陳無任惶  
懼懇倒鳴咽之至

一本作昧死上陳候母劉氏疾疾小參冀微臣驚寢再致無任云云

代裴中丞謝討黃少卿賊表

元和十四年詔桂管觀察使裴行立

討黃

洞蠻

臣某

云云

即日奉事官米蘭迴伏奉手詔

云云

者臣聞

膚革既平雖疥癬而必去

國語申芥曰夫疥疥諸疾疥癬也

豺狼已斃

在狐鼠而宜除臣某

中謝

伏惟元和聖文神武法天應道

皇帝陛下受命上玄底寧下土允渠盡殄威武載揚

爾腥羶尚聞凌暴靈旗斜指

漢武帝伐粵以壯刑重幅日月北斗登龍為泰一靈

旗為兵禱則太史

銅獸俯臨

即銅虎符所以發兵

三軍知必勝之

方萬姓喜永清之路微臣忝司戎律親列顏行

行戶郎切前漢

嚴助傳注顏行猶爲  
行在前行故曰顏也

躡伏波之舊規

光武時伏波將軍馬援擊交趾

乘

下瀨之故事

漢武帝元鼎五年遣伏波將軍路博德出桂陽下湟水甲爲下瀨將軍下蒼梧注甲

故越人歸漢者也瀨灘也吳越謂之瀨

盡瘁事國期畢命於戈矛不宿于

家思奮身於原野即以今日某時出師就道便披榛擣

石摩壘陷堅

左傳宣公十二年靡旌摩壘而還

蕩清海隅永息邊徼切

以才非充國敢自贊於無踰

漢趙充國曰無踰於老臣

志慕孟公庶

追蹤於不伐

論語孟之反不伐

謬承重委寤寐兢惶無任感恩

隕越之至



為裴中丞舉人自代伐黃賊表

伏以某官器宇端方風姿詳雅謙虛內敏籌略共推前  
佐湖南悉心匡佐後歷郡掾深負政聲惠愛在人姦邪  
屏息勤勞已著幹蠱無倫今黃賊尚據荒陬犬巢未覆  
倘以某代某之任必能掃蕩氛祲氛音分殺子鶴  
咨林二切扶氣廓清  
海濱竊惟斯人雅堪厥職云云

為崔中丞請朝覲表

柱管觀察崔詠  
或謂崔能者非

臣歷刺三州連總二府外任逾紀入覲無階就日望雲

魂飛心注伏惟睿聖文武皇帝陛下覆載無私遐邇同  
致復昇平之故事繼前聖之高蹤中外踐更出入迭用  
臣以虛薄叨受恩榮徒竭夙夜之心未申朝夕之敬天  
威咫尺誠寤寐而無違雲漢昭回固瞻仰而何及是以  
前在朗寧

邕州也

封章累上及移臨桂

桂州今靜江府

星紀屢周

微衷尚隔於戴盆積望徒懸於窺管葵藿之誠彌切犬  
馬之戀逾深人欲天從於茲未驗下情上達終冀不誣  
敢瀆宸嚴罄陳丹懇伏乞賜臣除替許至闕庭則蹈舞

於羣寮備班行於散地足趨中禁目覩大明俾成九族

之榮以盡百生之幸非敢竊國賓五獻之禮

周禮秋官

希康

侯三接之恩

周易晉卦

一覲龍顏萬死為足無任懇迫激切

之至

代柳公綽謝上任表

元和六年為潭州刺史湖南觀察使

肅恭休命晨夜趨程祇荷寵私不遑寢食以月日到所

部上訖

云云

臣聞古之制爵祿者爵以居有德祿以養

有功臣本書生宦不期達值某皇帝

睿聖文武皇帝

文明撫運

大闡玄猷搜采衆才幸忝甄錄厯踐中外星霜屢移曾  
無涓塵上答鴻造忘其薄陋委之雄藩顧無綏馭之能  
謬忝澄清之寄將何以敷宣皇澤普諭天慈唯當察慝  
以為防視俗而為教獨除細故務安黎獻庶幾清靜無  
擾以慰遠人臣不勝忝冒荷恩之至

代李愬襄州謝上任表

元和十二年

捧對絲綸慙悸無地拜命兢悚不知所裁臣凡賤瑣才  
智略無取幸賴先臣緒業愬父累忝國恩天澤曲流遂

司節制寄深分閫任重專征顧無將領之才謬處衆人之上豈謂宸私軫念仁育為心霈澤無涯德音屢降士衆感悅咸思竭忠遂得潛師暗入賊境不意兇渠就戮

吳元

此皆聖謨豈敢叨天以為已力仰荷殊恩重於丘

山臣以日月上訖謹當敷宣皇化普諭聖慈綏撫三軍又安百姓冀以塵露上答鴻私臣

云云

代節使謝遷鎮表

鴻私曲臨獨越夷等祇荷明命寤寐不遑臣才非器能

謬膺仕進雖竭盡駑劣力效忠勤冀寡憊尤敢望官達

某宗皇帝

德宗也

不以臣儒術淺薄超授禮官尋遷正郎

遂忝符郡某皇帝

順宗也

不遺臣小善擢處諫曹叨承厚

恩備職藩翰顧惟瑣劣多慙負恩伏遇陛下

憲宗也

德紹

唐虞無私庶政臣尸素歲久譴謫宜加豈冀褒昇更遷

重鎮再忝澄清之寄仍同獻替之榮將何以上答天慈

下安氓庶臣當務修農稼率勵遠人鋤其姦慝以副勤

卹無任

云云

為劉同州謝上表

或云劉公濟

臣某言伏奉某月日制除臣同州刺史兼本州防禦營  
田長春宮使某月日到州上任訖臣初奉綸言震抃無  
極及臨所部驚懼逾深投軀莫報於乾坤陳力無裨於  
造化臣某誠惶誠恐頓首頓首臣出自諸生不習為吏  
有恒懦之質童云恒音匡懦  
叔卦切弱也無區處之能託跡儒門乏  
仲弓南面之德委身郎署闕馮唐論將之對常懼叨冒  
清列燕穢聖朝豈意天聽忽臨鴻恩薦及八命作牧一

麾出守拔自下位寄之雄藩非臣庸瑣所宜膺據況馮

翊

即同州

密邇王都古稱三輔爰自近代命秩逾崇有兵

食之虞有宮室之制皆公卿將相出入由之仰徵甲令

俯窺圖記跼蹐無地

張云跼蹐足切  
跼蹐不伸也

以兢以惶恩重命

輕不知所効庶當刻精運力

一本作利  
精單力

夙夜祇勤上奉

雍熙旁流愷悌以日繫月儻或有成庶幾之心懍懍增

惕徒望雲而就日喜近帝鄉將擊壤以成風共歌堯代

天威咫尺敢布丹誠無任悃懇屏營之至



代裴行立謝移鎮表

穆宗時恐非  
宗元所作

星言即駕便道之藩祗荷寵榮不敢寧息臣某爰自弱

齡即忝推擇階緣試吏累忝清資先聖

憲宗

以臣粗知兵

要俾統師徒交蠻俶擾黃賊不馴奉詔俾臣撲滅氛祲

士衆賈勇

賈音古左傳成公二年  
欲勇者賈予餘勇

思酬渥恩冀因此時得

立微效豈謂時多疫癘不副憂勤知臣特深復洗瑕責

夙夜感戴捐軀有期徒增憤勇力未從願微臣不幸釁

故重重泣血摧肝載崩載咽陛下

穆宗也

龍興御極寰海

永清道暢八埏

延疆二音  
八方也

威加九域鴻和普洽靡不周

泰伏蒙累垂休命遂越等夷循省何人過膺抽擢況臣

比臨此鎮備更夷險故材舊壤宛在目前

裴行立前為  
安南經畧今

復為  
却獲

雖則殊鄉還同衣錦量巨鰲之力未足負恩猶蚊

蚋之微焉能報德將何以宣揚聖造撫慰疲羸唯當遵

守詔條貶棄奸慝平勾徭賦示以義方持清淨以臨人

守無私以奉國重修前志再礪戈矛展駑駘之効申鷹

犬之用庶荒陬夷獠

瓜老二音  
西南夷名

盡沐皇風率土生靈備

聞斯慶徽臣之志也限以

云云

代韋永州謝上表

臣某言伏奉月日制書除臣永州刺史以月日到州上  
訖受命若驚臨職彌懼臣以無能累更事任神州赤縣  
實所備嘗過量逾涯每深兢惕不謂聖恩推擇濫駕朱  
輪祿秩徒增詎施乳哺之惠服命虛受寧興襦袴之謠  
況此州地極三湘俗參百越左衽居椎髻之半

椎傳追切髻音

計椎髻者一撮之髻其形如椎

可墾乃石田之餘

左傳哀公十一年猶石田無所用之

曠

牧守於再秋彌驕獷俗

獷古猛切說文犬不可附也

代征賦於三郡

重困疲人分災本出於一時積弊遂餘於十稔撫安未  
易知法出而奸生子育誠難懼力勞而功寡夙夜憂切  
不敢遑寧庶當宣布天慈奉揚神化以日繫月儻或有  
成少裨愷悌之風用答生成之造無任感恩殞越之至

### 謝除柳州刺史表

元和十年

諸本此表首皆云伏奉三月十三日制除臣  
使持節柳州諸軍事守柳州刺史六月二十

七日到

任上訖

早以丈律叅於士林德宗選於衆流擢列御史陛下嗣登寶位微臣官在禮司百寮稱賀皆臣草奏臣以不慎交友旋及禍訕

張云訕許容切一本作誣字

聖恩弘貸謫在善地累

更大赦獲奉詔追違離十年一見宮闕親受朝命牧人遠方漸輕不宥之辜特奉分憂之寄銘心鏤骨無報上天謹當宣布詔條竭盡驚蹇皇風不異於遐邇聖澤無間於華夷庶答鴻私以塞餘罪

云云

柳州謝上表

貞元中代人作

臣某言伏奉詔書授臣柳州刺史以今月二日至部上

訖中謝臣前歲以久停官秩去年蒙聖恩除替便欲裂裳

裹足趨赴京師以舊疾所嬰彌年未愈逮及今夏始就

歸塗襄陽節度使于頓

徒歷切

與臣早歲同官見臣當暑

在道懇留在館尋假職名意欲厚臣非臣所願伏惟陛

下光被之德道以洽於區中憂濟之勤心每徧於天下

常以萬邦共理必藉於循良一物不遺尚延於愚藐

墨角

頭治二切假臣寵渥重領方州駕駘復效於奔馳枯朽更同

於華秀

中謝

臣聞潢汙易竭抑有朝宗之願犬馬無識猶

知戀主之誠揣分則然惟天知鑒況臣昔因左官

漢書仕諸

侯為左官

一紀于外子牟馳心於魏闕

莊子中山公子牟

汲黯積思

於漢庭豈非夫人獨無斯聽去就者榮辱之主朝廷者

仕進之源臣子之宜忠貞所志臣雖心同犬馬而分比

潢汙幸躡康衢意非徃蹇臣之此誠口不能喻意欲悉

達文非盡言此臣所以自咎自恨復乖志願猶冀苦心

勵節上奉詔條惠寡卹貧下除人瘼恭宣皇化少答鴻

私不勝慌欣之至

童云慌音荒  
博雅曰忘也

代廣南節度使舉裴中丞自代表

或云當作桂中丞  
恐非子厚所作

前件官器宇深沉天才間出爰從撫字逮於察廉所職

恪勤庶務皆勸日者安南夷獠反叛害其連帥

元和十四年安

南賊陽清陷都護府殺都護李象占及妻子官屬部曲千餘

毒痛黎人

痛普吳切

某皇帝

以某威惠茂著自某州刺史俾之撫臨

是月憲宗以唐州刺史桂仲武

為安南都護

夙夜經行盡除兵器賊徒識恩黨種歸義

仲武至安



南遣人說其首豪  
數月間降者相繼

炎荒之俗靡不底寧後改鎮容州

穆宗

長慶二年以仲武  
為容管經畧使

勲效彌顯澄清庶類邁德前修深負

能名合遷重鎮臣自惟凡懦不逮前人伏乞天恩迴授  
某非惟旌德是亦飾能庶微臣免尸祿之憂某獲無私  
之舉

奏薦從事表

某績茂戎軒才優管記操刀必割豈謝刺犀

刺旨充之  
轉二切截

也  
也斷

落筆不休寧慙倚馬

世說桓宣武北征袁虎從行  
時被責免會草露布喚袁倚

馬前令作手不輟筆  
俄得七紙珠可觀

況早登科選夙洽時譚匪惟詞藝

雙美抑亦器能多適比於流輩頗為滯淹輒敢薦陳伏

### 希獎錄

代廣南節使謝出鎮表

元和四年鄭綱  
罷相五年出鎮

鴻霈曲臨惶駭交集捧對綸綍不知所圖臣中謝臣聞蕭

曹佐漢六合為家奭望匡周萬方同軌臣幸以芻蕘累

忝殊榮天德薦臨遂加台政不能翊宣明聖增日月之

光俾兇渠勦絕

勦子  
小切

人用康寧寔由臣不稱職使此艱

患伐檀興議負乘招譏常懷覆餗之虞

錄音速

敢望專征

之寄獻俘未遠展効有期希此微功上答殊造無任

云

云

為楊湖南謝設表

貞元十八年楊憑

臣某言中使某乙至奉宣聖旨賜臣長樂驛設者恩榮

特殊宴飲斯及顧茲厚禮猥集微躬臣某誠歡誠慶頓

首頓首臣以多幸屬此昌時任重方隅職忝文武甘受

素餐之刺知無肉食之謀

左傳莊公十年曹劌曰肉食者鄙未能遠謀

以憂

以惶寢寐無措豈謂鴻恩繼至豐膳爰來陸海兼陳飴醴皆設飴一本作酒庶當奉揚聖澤覃布遠人流愷樂於皇風均乳哺於赤子少陳微效上答殊私無任感恩欣躍之至

為武中丞謝賜櫻桃表

武元衡

臣某言中使某乙至奉宣聖旨賜臣櫻桃若干者天睠特深時珍游降寵驚里巷恩溢圓方臣某誠喜誠懼頓首頓首伏以含桃之羞時令攸貴月令仲夏羞以含桃況今採因

御苑分自天厨使發九霄集繁星而積耀味調六氣承

湛露而不晞盈皆而外被恩光

皆疾智才詣二切目睢也

適口而中

含渥澤顧慙素食彌切自公豈圖君子所先遂厭小人

之腹

左傳昭公二十八年願以小人之心屬厭而已厭息廉切

無任

云云

謝賜時服表

代人作

祇荷寵私啟處無地臣

中謝

臣久忝朝行歷職無效荏苒

星紀偷榮歲時不能少益聖猷以副深寄致使賊遺君

父

後漢耿奔云

艱難未息合處嚴憲以正國章伏以陛下恢

天覆之恩廣地載之厚不循彝典俾同冕紱重劇丘山  
捧戴以入閨門空知夕惕裁縫而為衣服固可盡行內  
省疲驚將何答效

謝賜端午綬帛衣服表

綸言曲臨寵服洊至跪奉殊錫慶躍交并臣

謝中

臣謬典

方州效微涓滴叨承大貺榮重丘山非才忝恩俯伏慙  
荷朱明啟節御府賜衣沐聖澤而溟海方深被仙衣而  
鶴龜齊壽馳心向闕跼影望天慙分五嶺之憂莫副九

重之詔臣無任

云云

卷三十八



柳河東集注卷三十八

欽定四庫全書

集部

柳河東集注卷

三十九至  
四十一

詳校官內閣學士臣瑞保

檢討臣何思鈞覆勘

總校官進士臣朱鈐

校對官編修臣馮敏昌

謄錄監生臣方祖益



欽定四庫全書

柳河東集注卷三十九

宋 童宗說張敦頤潘緯 音釋

奏狀

為廣南鄭相公奏百姓產三男狀

鄭綱

右臣所部貞節坊百姓某妻產三男者臣詳究徃例實  
謂休徵已量事給絹三十疋充其乳養者伏以陛下勤  
恤黎元感通天地靈心昭答景福已興方便億兆繁滋

區夏充牣

音仞滿也

故表祥於字育是啓運於升平事杳化

源慶延邦本鱗羽之瑞曾何足云臣幸列藩維嘗叨樞

近私賀之至

為薛中丞浙東奏五色雲狀

元和中薛苹或云薛戎

右臣得管內台州奏月日五色雲見者一州官吏僧道

耆老悉皆瞻覩已具奏聞并寫圖奉進者伏以景雲上

瑞王者祉符煥彩彰之在天知聖德之昭感伏惟陛下

化孚有截道洽無垠承天地之貞明導陰陽之和氣遂

使紛紛郁郁自東而徂西若煙非煙一句而再至徵諸古牒事罕前聞伏乞宣付史官以昭簡冊

爲裴中丞奏邕管黃家賊事宜狀

裴行立

右今月四日邕管奏事官嚴訓過稱押衙譚叔向等與黃家賊五千餘人謀爲翻動雖已誅斬猶未清寧當時差本道同十將某至邕管界首賓州以來迎探事宜兼爲聲援昨得十四日狀并嚴訓狀報同其黃家賊並已退散各歸洞穴訖伏以鼠竊狗偷非足爲患陛下威靈

遠被神化旁行遂使姦狡之謀先期而自露

一作獨字

回

邪之黨不戮而盡夷伏恐飛章已達吉語未聞尚軫天心猶煩廟筭臣謬居方鎮忝接壇界所得事宜不敢不奏

讓監察御史狀

宗元為監察御史裏行

右臣伏準名例律諸官與父祖諱同者不合冒榮居之臣祖名察躬今臣蒙恩授前件官以幼年逮事王父

祖也

禮律之制所不敢踰臣不勝進退惶恐之至謹詣光順

門奉狀以聞伏聽勅旨貞元十九年閏十月日具官臣  
某奏奉勅新除監察御史柳宗元祖名察躬準禮二名  
不偏諱不合辭讓年月日檢校司空同中書門下平章  
事杜佑宣

爲京兆府昭應等九縣訴夏苗旱損狀

右臣謬領京畿已逾兩月政術無取誠懇莫申遂使雨  
澤愆時田苗微損夙夜兢懼寢食靡遑今長安一十四  
縣並準常年例全徵其昭應等九縣臣各得狀並令詳

審各絕隱欺謹具別狀封進臣當府夏稅通計約二十九萬石以上據所損矜免祇當三萬石有餘恤人則深減數非廣伏以聖慈弘貸憫念蒸黎臣忝職司不敢不奏無任慙懼之至謹錄奏聞伏聽勅旨

爲南承嗣請從軍狀

父南齊雲

故某官贈某官某乙男某官某乙

右臣亡父至德之歲死節睢陽

睢宣佳切

陛下每降鴻恩必

加褒寵臣自七歲即忝班榮

承嗣七歲為婺州別駕

垂五十年常

居祿秩再守遐郡

為施浩二州刺史

績用無成終貽官謗甘就

嚴譴

劉闢反承嗣以無備謫永州

無以負荷先志報効殊私以慙以

懼隕越無地伏見某月日勅

元和十四年十月

以王承宗負恩

干紀命將徂征雷霆所加殄滅在近臣竊不自揆思竭

忠誠願預一卒之任以答百生之幸庶得推鋒觸刃摩

壘褰旗

潘云左氏傳靡旌摩壘摩近也褰愬蹇二音取敵之旗也

冀獲盡於微誠儻

不墜於遺烈踊躍之至夙夜不寧敢希皇明俯鑒丹懇

臣聞周官考藝國子置車甲之司

周禮夏官諸子掌國子之倅若有兵甲之

事則授之車甲

漢道推恩孤兒備羽林之用

武帝養死事之子號羽林孤兒千

秋思奮於事越

漢武帝時南越呂嘉反韓千秋奮曰願得勇士三百人必斬嘉以報仲孺

期死於奔吳

前漢灌夫字仲孺父死吳軍中夫奮曰願取吳王若將軍頭以報父仇遂馳入吳軍

義激君親名高竹帛臣雖無似有慕昔人雖身塗草野死而不朽披肝瀝血昧死上陳無任懇迫忠憤之至謹錄奏聞伏候勅旨

進農書狀

農書三卷

右伏奏某月日勅宜以二月一日為中和節所司進農



書永以為恒式者

貞元五年詔

臣伏以平秩東作虞書立制

俶載南畝周雅垂文此皆奉天時以授人盡地力而豐

食自陛下

德宗也

惟新令節益厲農功既立典於可傳每

陳書而作則耕鑿之利敷帝力於嘉謨稼穡之難動天  
心於睿覽勤勞率下超邁古先凡在率土不勝幸甚前  
件農書謹函封進謹奏

代人進瓷器狀

瓷才資切陶器之緻堅者

瓷器若干事

一本無此一句

右件瓷器等並藝精埏埴

埴音檀和土也

埴承職切  
黏土也

制合規模稟至德之陶蒸自無苦窳

窳遊甫切空也

病也史記舜陶河濱器不苦窳

合大和以融結克保堅貞且無瓦釜之

鳴

賈誼賦黃鐘毀棄瓦釜雷鳴

是稱土錕之德

錕音刑當作型瓦器也以盛菜韓非子曰

堯舜嘏  
土銅

器慙瑚璉

力展切祭宗廟玉器

貢異砮丹

砮音奴石中矢鏃禹貢荊州所

貢既尚質而為先

禮記郊祭器用陶匏尚質也

亦當無而有用

老子埴埴

以為器當具無有器之用

謹遣某官某乙隨狀封進謹奏

柳州舉監察御史柳漢自代狀

元和十年

右某準從前赦文常參官上後舉一人自代者

元和六年勅

伏見前件官頗有才行長於政術久歷嶺南使職臣之所知敢舉自代無任懇迫之至

### 上戶部狀

左降官員外置同正員俸料舊用戶部省員  
闕官錢充令請改授正官占闕不用上件錢  
每年約計  
數萬貫

右伏以左降官是受責之人都不釐務戶部錢是準勅  
收貯不合別支又所授員外官亦非舊制宗元在永州  
日見百姓莊宅公驗有司戶李邕判給處足明皆是正

官今請悉依故事為準並廢員外所置凡在貶黜授以正員責其成功俾無虛授貯錢既免支用加數足應軍須實冀貨不濫分官無曠職謹狀

柳州上本府狀

上桂管觀察府

莫誠救兄莫蕩以竹刺莫果右臂經十二日身死其莫誠禁在龍城縣準律以他物毆傷者各依殺人論

右奉牒準律文處分者

分去聲

已帖縣準牒待秋分後舉

處分訖伏以中丞

裴行立

慈惠化人孝悌成俗屬吏所見

皆許申明至公之下敢竭愚慮竊以莫誠赴急而動事  
出一時解難為心豈思他物救兄有急難之戚中臂非  
必死之瘡不幸致殂揣非本意按文固當恭守撫事似  
可哀矜斷手方迫於深衷周身不遑於遠慮律宜無赦  
使司明至當之心情或未安守吏切惟輕之願况俟期  
尚遠稟命不遙伏乞俯賜興哀特從屈法幸全微命以  
慰遠黎則必闔境荷慈育之恩豈惟一夫受生成之賜  
儻以律文難變使牒已行則伏望此狀便令廢格音輕

賜塵蹟惶戰交深謹錄狀上奉聽處分

爲裴中丞伐黃賊轉牒

裴行立

當管奉詔與諸管齊進

當管桂管也諸管謂容管邕管廣南等路

誅討邕管

草賊黃少卿漢軍馬步等若干人各具兵馬數及軍將

若干前牒奉處分竊以天啟昌期大功畢集神開興運

微惡盡除黃少卿等厯稔逋誅舉宗肆暴

黃洞首領黃少卿少度少

卿子昌汚昌灌等自貞元以來數為造害前後陷十餘州

恃狡兔之穴踰伏偷安

踰

頭莊緣二切

憑孽狐之丘跳踉見恠

孽魚列切妖也跳踉足屈伏也

音見賢  
通切

以為威弧不射天網可逃侵逼使臣隳犯王略

恣其毒虐速我誅鋤敵國盡在於舟中

吳起云

還師已期

於席上

家語云

謂宜投戈頓顙面縛乞身歸郡邑於王官

效黎獻於天吏而乃繕兵補卒增壘閉途正當天討之

辰更積鬼誅之罪

莊子為不善於幽闇之中者鬼得而誅之

衆輕鬪蟻勇劣

怒蛙

韓非子越王伐吳欲人之輕死也出見怒蛙乃織為之軾從者曰奚敬於此王曰為其有氣故也

縞當強弩之初

縞古老切前漢韓安國傳強弩之末不能入魯縞

孤豚債肥牛

之下

債方問切仆也左傳昭公十三年牛雖瘠債于豚上其畏不死

事同拾芥力易摧

枯杪忽蜂腰虛見辱於齊斧

齊如字又側皆切張執云黃鉞斧也張要云整齊也

突梯鼠首濫欲寄於旄頭

突吐忽切梯音脫旄頭胡星也天子前驅

勦絕有

時

勦子小切

不索何獲

索色窄切左傳吳光云

某拱稽致命

國語吳語擁鐸拱稽

注拱持也稽稽戰云或云稽計兵名稽

執銳忘生車甲既備於小戎鯨鯢

豈逃於誅戮

左傳宣公十二年取其鯨鯢而封之以為大戮注鯨鯢大魚名以喻不義之人吞食

小國潘云鯢巨京切其雌曰鯢大者長千里小者數千丈

切觀上略總帥中權

左傳宣公

十二年中權後勦注權謀也謂軍中制謀

戰士義激於身心列校勢成於臂

指蹶張之技盡出於山林

潘云蹶音厥前漢以材官蹶張注材官之多力以足蹋弓



弩張之故曰張張律有張張士師古曰今之弩以手張之曰擘張以足踞者曰踞張拔距之材徧

徵於川洞

前漢甘延壽傳投石拔距注顏師古曰拔距者有人連生相把據地距以為堅而能拔取

之賞懸香餌令布疾雷莫不鼓舞戎行虔恭師律投軀

不憊於羽檄

憊與憊同漢高祖紀注檄木簡長二尺微名急則挿以鳥羽示急也

跂足唯

俟於牙璋

政連尔切拳踵也周禮典瑞注牙璋琢以為牙牙齒兵象故以發兵

今月某日

奏事官朱蘭迴捧受詔命神飛首勇足蹈心馳懽聲洽

於萬夫勝氣橫於千里國容不入屨且及於寢門

司馬法古

者國容不入軍軍容不入國也左傳宣公十四年楚子投袂而起屨及於室皇劬及於寢門之外注室皇寢門

闕家事勿闕土已填於左闔

國語勾踐伐吳入命夫人自今日以後內政無出外

政無入內有辱是子也外有辱是我也王即以月日全

軍出次分道並進所期勦力敢告同心孔大夫

御史大夫嶺南

節度使孔幾

貞直冠時清明格物全體許國一心在公兵精

食浮為日固久容府揚中丞

揚當作陽御史中丞容管經畧使陽旻

以義

烈為已任勲襲太常安南李中丞

御史中丞安南都護李衆古曹王李皋之

子以英武為家風業傳彝器並膺邦寄克達皇威南則

浮海濟師共集堂堂之陣東則橫江誓衆用成善善之

功以此鼓行坐觀盡敵刑惟勿喜誅有可哀徵側之勇

冠一方竟就伏波之戮

後漢交趾女子徵側反伏波將軍馬援斬之

呂嘉之

威行五嶺終摧下瀨之師

潘云瀨音賴前漢武帝紀甲為下瀨將軍下蒼梧得呂嘉

首遂定越地

嗟此陋微自貽擒滅勉成良畫速致殊勲雖荒

徼之地固不勞於有征

徼音弔切造偶

而昇平之年將自此而

何事書之竹帛實謂揚名事須移牒鄰管以成犄角舉

牒者

犄居綺反偏引也左氏譬諸捕鹿晉人用之諸戎犄之注犄其足也

賀誅淄青逆賊李師道狀

賀中書門下

右今月三日得知進奏官某報前件賊以前月九日克就梟戮者伏以天啓聖期神資良弼必有懲討以致昇平蠱爾兇渠敢行悖亂締交於雷霆之下

締丁計切憲宗討吳元濟

李師道王承宗陰黨援乃伏盜京師刺用事大臣效逆於化育之辰逞豺聲以

欺天恣狼心而犯上嘉謨克協威命旁行破竹寧比其發機走丸未喻於東勝濁河清濟魯無溝洫之虞

濟子禮切

清濟貫濁河

大峴琅邪不聞涯岸之阻

峴胡典切

天兵四合賊衆

屢摧然後赦劫脅之辜許其歸復寬註誤之典期以撫

循

註音卦前文帝紀濟北王反註誤吏民

外怛皇威中感聖德雖在臬鏡

臬堅克切鏡當作獬前漢志注臬鳥名食母破獬獸名食父如羆而虎眼

豈不知歸是以未

極誅鋤遽聞內潰鯨鯢已戮見東海之無波氛沴盡銷

仰太陽之普照功格于天地化合于陰陽一德方繼於

商書降神自同於周雅遂使垂白遺老再逢天寶之安

措紳諸生遠期貞觀之理某特承朝獎謬列藩臣常以

突刃觸鋒未為効節膏原潤草豈足酬恩寤寐撫心不

遑寧處今則削平之際慙無尺寸之功開泰方初徒受

丘山之寵無任憤激屏營之至抃舞歡慶倍百恒情

賀平淄青後肆赦狀

賀中書門下云

某官某乙右某伏奉二月二十二日德音以淄青削平  
慶賜大洽率土之內抃躍無窮伏惟周滅三監但明誅  
放之罰漢平七國更嚴斬殺之科未有翦覆兇渠撫存  
疑類威暫行而德洽誅纔及而恩加操兵者悉獲歸休  
秉耒者更聞優復與之種食種章勇切豐以貨財疾苦盡除  
鰥孤咸育葬戰死之骨增以賞延憐刃傷之肌存其康

給滌山川之舊污申節義之餘寬功多受三事之榮

詩三

事大夫注三事三公也元和十四年斬李師道田弘正秦捷加弘正檢校司徒同平章事

節著有十

連之寵

禮記十國以為連連有帥劉悟斬師道詔以劉悟為義成軍節度使較然逆順益

以彰明和氣遠周罷七旬之干羽仁風溥暢收六月之

車徒寰海永康夷夏均慶某忝司戎旅獲奉昇平當伊

尹無恥之辰見咎繇惟輕之德

咎繇即皋陶字

抃躍之至倍萬

恒情無任慶賀之至

賀分淄青諸州為三道節度狀

賀中書門下

右某伏見某月日制分淄青諸州為三道節度都團練

觀察等使者害氣盡除和風溥暢裂壤既分其形勝經

野必正其提封河濟異宜海岱殊服八命作牧無聞威

福之源十國為連已肅澄清之政鼠無夜動

左傳襄公二十三年

臧孫曰夫鼠晝伏而夜動

鴉變好音

詩卜水

惠澤豈俟於崇朝仁化寧

期於必代

論語必世而後仁

遂使琅邪即墨田生無慮其異謀

前漢高祖紀田肯曰齊有琅邪即墨之饒南有泰山之固北有濁河之限非親子弟莫可王齊者

聊攝

姑尤晏子但聞其善祝

左傳昭公二十年晏子曰祝有益也詛亦有損聊攝以束姑尤



以西為人也多矣注聊攝二恭以相公謩參禹績制出

蕭規

揚子蕭也規曹也隨

光輔聖神永康黎獻某獲逢開泰忝守

方隅抃躍之誠倍百恒品

代裴中丞上裴相賀破東平狀

裴行立賀裴度

右伏以逆賊李師道克就梟擒已具中書門下狀賀訖

某忝居末屬

同族屬

特受深恩踊躍不寧輒復披露竊以

自古中興之主必有命代之臣一德同功以叶休運故

申甫方召成宣王復古之勲

申伯尹吉甫方叔召虎

吳鄧冠耿致

光武配天之業

吳漢鄧禹  
寇恂耿弇

此皆上下齊志中外悉心雖

成功則多而陳力甚易豈若閣下挺拔英氣邁越常流

獨契聖謨以昌鴻業廟略初定異議紛然詆訕盈朝萑

斐成市

萑音婁斐音匪詩云  
萑兮斐兮成是貝錦

閣下秉心不惑定命彌堅

討淮右之兇則下車而授首

滅吳  
元濟

服恒陽之虜則馳使

而革心

裴度遣柏耆說王承宗  
承宗遂獻德棣二州

況師道惡稔禍盈鬼怨

神怒恣行悖慢敢肆欺誣天兵四臨所至皆捷次又捨

其將校許以歸還罪止一夫思加百姓豺狼感化梟鏡

懷仁

東堅堯切  
鏡當作鏡

自致誅夷以成開泰萬方有慶四海無

虞遂令率土之人盡識太平之理盛德大業振古莫儔  
然則布政明堂勒功東嶽光垂後祀輝映前王神化允  
屬於聖君崇勲實歸於宗袞慶賀之至倍萬恒情

爲裴中丞乞討黃賊狀

一本丞字下  
有上裴相字

某材質無堪授任非次當有事之日忠懇莫施遇成功  
之辰慙憤空積陳力之志誓死不渝伏惟仁恩終賜展  
効今者中華寧謐

覓畢切  
靜也

異類服從唯此南方尚餘寇

孽伏以黃少卿等憑培塿以自固

童云培塿口切塿力拘切自闕而東小冢

謂之培塿又云小阜也

合莖脆以為強

潘云莖寸卧切斬芻也脆此芮切少夷易斷也莖當

作莖七茂切選稟質莖脆廣雅曰莖亦脆也

劫脅使臣侵暴列郡雖狐鼠之

陋無足示威而蜂蠆之微猶能害物

蠆丑邁切

必資翦伐方

致和平庶盡驚蹇之勞以答恩榮之重撫心踊躍夙夜不寧私布丹誠敢期明鑒無任感激屏營之至

爲桂州崔中丞上中書門下乞朝覲狀

崔詠

右某幸遇文明叨承委寄理戎典郡十有四年瞻戀闕

庭神魂飛越頃在邕州

元和五年鄧州刺史崔詠除為邕管經略使

累陳誠

懇謬尸進律之寵

禮記有功德於民者加地進律

未遂執珪之願

左傳朝聘

有相公膺賢輔聖大叙彝倫中外之臣出入更踐某自

領桂管又逾再周

元和八年十二月崔詠遷桂管至此元和十年凡兩周歲

企鸞鷺

於紫霄獨無羽翼仰星辰於黃道徒竭丹誠況正月會

朝遠夷皆至六歲來見要服有期

要一遙切國語注要服六歲一見

宣

使班超之望長懸

東漢班超上疏曰遠處絕域小臣能無首邱依風之思哉

子牟之

戀空積

莊子魏公子牟曰身居江湖之上心馳魏闕之下

伏乞特申微願錄授

冗員微故事而不遺揆夙志而斯畢入天子之國願附  
禮於小侯拜宰相之車敢希榮於上客一本上作下無任懇  
禱屏營之至輕瀆威重戰汗伏深謹狀

爲南承嗣上中書門下乞兩河効用狀

右伏以越敗夫差多會稽納官之子

國語越語孤子寡婦疾疹貧病者納

官其子注仕其子而教之

趙摧栗腹即長平死事之孤

史記趙孝成王十五年栗

腹報燕王曰趙壯者皆死長平其孤未壯可代也燕師襲趙廉頗擊殺栗腹

何者義烈之餘

色氣猛厲上將効於國用下欲濟其家聲所以憤激悽

愴常思致命者也某先父死難睢陽

睢宣佳切至德二載尹子琦陷睢陽

害南霁雲等

事存簡冊累降優詔榮及子孫爰自緦緦超昇

品秩

南永嗣以父死事七歲為婺州別駕賜緋魚袋

肉食廩給未嘗暫停頃守

涪州屬西蜀邁逆

承嗣為涪州刺史會劉闢反

將致死命以盡夙心

寢戈嘗膽志願未究

晉劉琨枕戈待旦又越王勾踐嘗膽

會刀筆之吏寘

以深文首級之差今復誰辯

前漢馮唐曰雲中守魏尚坐上功首虜差六級陛下

之吏削其爵

薏苡之謗不能自明

馬援征交趾餌薏苡軍還載之一車後有上書譖之

者以為前所載還皆明珠文犀

猶賴舊勲謫居樂土

劉闢反承嗣以無備謫永州

食

人力之粟守無事之官拳拳血誠無所陳露伏見明制

興師討伐恒冀

元和十四年制削奪成德軍節度使王承宗官爵以吐突承璀為招討處置使

往征之

蔑

一本作蔑字同

爾小醜尚欲逋誅某才非古人志慕前

烈願得身當一隊効死戎行

胡剛切

竭平生之忠懇申幽

明之冤痛撫劒心往發言涕零嘗聞漢法有奮擊匈奴

者諸侯不得擁遏又況丞相總軍國之重定廊廟之謀

固當弘獎無所弃捐伏乞哀憫收撫以成其心無任懇

迫惶恐之至



柳州上中書門下舉柳漢自代狀

元和十年

右伏準元和六年十月十七日勅常參官授上後三日  
內舉一人以自代便具所舉人兼狀上中書門下者今  
奏請前件官自代謹連狀

爲長安縣耆壽詣相府乞奏復尊號狀

德宗時

長安等縣耆壽某乙若干人右某等伏以生長明時游

泳皇澤鼓腹且知於帝力食毛敢忘於君恩

左傳昭公七年食土

之毛誰非君臣注毛草也

竊見近者祥瑞所呈周於百郡豐稔之報

均於四方有以知上玄降靈誕告嘉應彰我君文明之  
化仁育之恩大道既行鴻名未舉是以殷勤昭著如斯  
而不已者也某皆陶煦純仁成此耆老生既無補死而  
何求唯願上聞帝閭復建尊號用彰聖德以報皇慈披  
露血誠伏守天闕糜軀碎骨猶生之年謹以今日詣光  
順門輒進表訖伏惟相公贊翊明主共致太平而使名  
號尚鬱天人失望草野愚鄙竊有惑焉伏望敷奏之際  
開陳其要俾下情允達大願克從退就泉壤樂而無恨

輕贖國相伏待典刑謹狀

爲京畿父老上府尹乞奏復尊號狀

京兆尹  
韋夏卿

長安縣耆老某乙等若干人右某等幸以羸老獲覩昇  
平蹈舞薰風謳謌壽域譬之草木何以報天寤寐焦勞  
不知所措伏見聖君臨御玄化升聞瑞應匝於萬方

張云

匝作茗切  
與帀同

豐報窮於四海神祇注意天地傾心覺悟生

人必有爲者

一本作必  
將有爲

蓋以挹損徽號近二十年盛德

益光大名未復致遠邇積慮幽明憤懷故自古以來嘉

瑞之至未有如今歲之盛也斯乃上玄深旨下人懇誠  
勤勤相符正在於此某等眷戀明時朝夕是切唯願早  
復大號以契天心庶得聖政益光鴻化彌遠少遂踊躍  
之甚今請詣光順門進表昧死上陳伏以侍郎道合君  
臣惠敷黎庶儻遂收採愚慮致貢天庭俾草萊微誠得  
達萬乘非所敢望惶懼伏深謹狀

欽定四庫全書

柳河東集注卷四十

宋 童宗說張敦頤潘緯 音釋

祭文哭辭

一本無哭辭字

祭楊憑謄事文

元和十二年

年月子壻謹以清酌庶羞之奠昭祭于丈人之靈

宗元娶憑

弟楊凝女為憑之從子壻或云即憑之壻也一本子壻字下有使持節柳州諸軍事守柳州刺史柳某字卿

雲輪囷

卿即慶字囷區倫切

天漢昭回自然物外寧雜塵埃公稟

間氣

間居見切

心靈洞開翱翔自得誰屑羣猜孝友忠信聞

於九垓

該音

摘華發藻其動如雷世榮甲科

大歷九年憑舉進士甲科

亦矜顯處

矜一本作務

公之俊德有而不顧御史之選朝之

所注公勤于養投劾引去

憑緊事節度府召為監察御史不樂檢局輒自免去時

任方隅威刑是務公施其惠亦莫有逆

童云還五故切與迂同

京

兆之難下多怨怒或由以黜瓦石盈路

貞元中京兆尹李實貶通州長

史市里微呼皆袖无礫遮道伺之實由間道獲免

公捍其強仁及童孺

元和四年憑自

京兆尹江西入為

左遷而出擁道羣慕道峻多謗德優見憎煩

言既詆倚法斯繩

憑與御史中丞李夷簡素有隙夷簡勅憑江西奸賊及他不法詔即臺參

玆夷簡痛謫發欲抵以死憲宗以憑治京兆有績但貶賀州臨賀尉

南過九疑

山名謂摘臨賀時

東逾秣陵

秣陵江寧今建康也謂自臨賀徙杭州長史

顛沛三載天書乃徵

入傳王國嘉聲聿興

自杭州召入為王傅

詹事東宮致政是膺

自王

傳徙太子詹事

年唯始至道則彌勵頡頏今古

童云頡頏結切頡音杭又音剛

與亢同飛而上曰頡飛而下曰頡頏

優游德藝實期濬發再光文陛誰謂

昊天遽茲降厲嗚呼哀哉某以通家承德夙奉良姻莫

成子姓早喪淑人

貞元十五年子厚妻楊氏卒年二十二無子

恩禮斯重眷

撫惟新綢繆其志實敬實勤迨今挈然十有八祀家缺  
主婦身遷萬里謗言未明默伏逾紀德輝間絕音塵莫  
俟歲首發函視遠如邇雖當沉痾心術猶治撫膺頓首

流泣瞪視

童云瞪大證切直  
視潘云真耕切

既斂而還莫傳音旨嚮風

長慟於茲已矣嗚呼哀哉承訃之始卜兆既逾載馳斯

文出拜路隅哀從海滙

視商切

禮致皇都寸誠相續終歲

不渝天道悠遠人世多虞寄心雙表

謂墓關

長恨囚拘嗚

呼哀哉



祭穆質給事文

一本作祭穆撫州文

昭祭于給事五丈之靈自古直道鮮不顛危禍之重輕則繫盛衰矯矯明靈克丁聖時形軀獲宥三黜無虧賢

良發策始振其儀天子動容敬我直辭

貞元元年德宗策賢良問以天

早穆質對言兩漢故事三公當免卜式著議弘羊可烹德宗喜之

載之冊府命以諫司

穆質以制策自幾尉連左補闕

抗奸替否與正為期奏書百上知無不

為誰謂劉賈

劉向賈誼

英風莫追給事黃門奉職樞機封還

付外動獲其宜

賈累遷給事中政事得失未嘗不盡言

無曠爾位惟公在

斯達道之行實惟交友患難相死其廢日久公實毅然

誓均悔咎挺身立氣不改其守黜刺南荒義言盈口

元

四年京兆尹楊憑貶臨賀尉  
質坐與憑善貶開州刺史

封章致命志期殞首邈矣

高標誰嗣于後王命南下郡符東剖流滯湮淪殲此遐

壽

或云自開州移撫  
州未及行而卒耳

嗚呼哀哉公之伯仲信惟先執

記

禮云見父之執執友也穆質穆負穆實並  
秘書監穆寧之子見子厚先友碑陰記

感激之風道

同義立中司守直奸權是襲致之徽纆誣以賄入瑣瑣

其徒榜訊愈急

榜薄庚切箠也穆贊擢侍御史鞠盧岳  
妻分財事持平不阿中丞盧紹與宰相

資參誣贊受金捕送獄侍御  
史杜倫希其意銀鍊甚急

詔下三司議于洛邑噫我

先君邦憲是輯

同上贊弟賞詣闕搥登聞鼓訟冤詔三司使柳鎮李觀楊瑞履治無之猶出為

邢州刺史鎮亦坐貶夔州司馬

平反羣枉

反字袁切漢書平反注惜罪人辭使從輕也

大忤

三揖

忤五故切左傳哀公二年三揖在下注三揖卿大夫士

危法旋加譖言俄及

左宦夔國

謂子厚之父坐貶夔州司馬前漢設左官之律注任於諸侯曰左官

義夫掩泣

邪臣既黜乃進其級

貞元八年實參貶乃召贊為刑部郎中

端于庶僚直

聲允集虔虔小子夙奉遺則公在即位再罹擯抑時忝

憲司竊分枉直抗辭犯長有志無力惟韓洎劉

監察御史韓泰

欽定四庫全書

卷四十

劉禹錫

同憤霑臆道之不行銜媿罔極公在左掖議登秋

官先定于志將發其難決白無狀以申禍端秉心撰詞

義不可干會逢友累

累力偽切謂坐與楊憑善而坐貶謫

曾莫自安感于

褚中

褚中呂切左傳成公三年荀瑩之在楚也鄭賈人有將寘諸褚中以出既謀之未行而楚人歸之賈

人如晉荀瑩善視之如賓出已

有涕洟瀾

潘云洟胡官切瀾落官切選涕垂睫而洟瀾注涕泣關干

嗚呼哀哉壽宮久翳狼荒萬里禮不可違誠不可弭抽

哀洩憤舒文致美願遡海風以窮洛涘清明如在神鑒

何已嗚呼格思以慰勤止

祭呂衡州溫文

呂溫字化光一字和叔

維元和六年歲次辛卯九月癸巳朔某日友人守永州

司馬貞外置同正貞柳宗元謹遣書吏同曹

書吏姓名

家人

襄兒奉清酌庶羞之奠敬祭于呂八兄化光之靈嗚呼

天乎君子何厲天實仇之生人何罪天實讎之聰明正

直行為君子天則必速其死道德仁義志存生人天則

必天其身吾固知蒼蒼之無信莫莫之無神今於化光

之歿怨逾深而毒逾甚故復呼天以云云天乎痛哉堯

舜之道至大以簡仲尼之文至幽以默千載紛爭或失  
或得倬乎吾兄獨取其直貫于化始與道咸極推而下  
之法度不忒旁而肆之中和允塞道大藝備斯為全德  
而官止刺一州年不逾四十佐王之志沒而不立豈非  
修正直以召災好仁義以速咎者耶宗元幼雖好學晚  
未聞道洎乎獲友君子乃知適於中庸削去邪雜顯陳  
直正而為道不謬兄實使然嗚呼積乎中不必施於外  
裕乎古不必諧於今二事相勛

一本勛  
作期字

從古至少至於

化光最為太甚理行第一尚非所長文章過人略而不  
有夙志所蓄巍然可知貪愚皆貴險狠皆老則化光之  
天厄反不榮歟所慟者志不得施蚩蚩之民不被化光  
之德庸庸之俗不知化光之心斯言一出內若焚裂海  
內甚廣知音幾人自友朋彫喪志業殆絕唯望化光伸  
其宏略震耀昌大興行於時使斯人徒知我所立今復  
往矣吾道息矣雖其存者志亦死矣臨江大哭萬事已  
矣窮天之英貫古之識一朝去此終復何適嗚呼化光

今復何為乎止乎行乎昧乎明乎豈蕩而為太空與化  
無窮乎將結而為光耀以助臨照乎豈為雨為露以澤  
下土乎將為雷為霆以泄怨怒乎豈為鳳為麟為景星  
為卿雲卿即慶字以寓其神乎將為金為錫為圭為璧以栖  
其魄乎豈復為賢人以續其志乎將奮為明神以遂其  
義乎不然是昭昭者其得已乎其不得已乎抑有知乎  
其無知乎彼且有知其可使吾知之乎幽明茫然一慟  
腸絕嗚呼化光庶或聽之



祭李中丞文

御史官  
屬共祭

維貞元二十年歲次甲申五月某朔二十二日故吏儒

林郎守侍御史王播將仕郎守殿中侍御史穆贄

當作  
贄字

奉議郎行殿中侍御史馮邈承奉郎守監察御史韓泰

宣德郎行監察御史范傳正文林郎守監察御史劉禹

錫承務郎監察御史裏行柳宗元承務郎監察御史裏

行李程等謹以清酌之奠敬祭于故中丞贈刑部侍郎

李公之靈惟公堅貞守道潔廉成德當官秉彝卓爾孤

直高節外峻純誠內植臨事不回執心無惑矯矯勁質

一本質作節字

擢於天枝式是邦族榮其羽儀發跡內史參其

軍事

古內史地今鳳翔府

自下廟上直詞屢至

潘云廟眉波切前漢賈山自下廟上

注屬也

于後受邑歷撫疲人公去逾久人滋咏呻復從京

邑辟署司錄振其綱條端我甸服黠吏屏氣

屏必耶切

貪官

室懋赫赫有命登于王庭邦賦以修國用是經實抗其

長以奉準程校其簿書無失奇贏

奇音羈贏音盈謂殘餘物也

進為

正郎句會是專

句古侯古候二切會古外切計也

乃刺于商虎節登山

出為尚  
州刺史

化堦為沃

重云堦音籍薄  
土也疏堦為堦

致夷於艱道途謳歌

有詔徵還丞我御史執其憲矩糾逖之志直清是舉慎

擇寮吏必薪之楚

毛詩鮑鮑錯薪言刈其楚  
注楚雜薪之中尤鮑鮑者

終始七載

不忘祇勤事無觀瞻道有屈伸卓囊密啓忠懇屢陳令

望逾重名卿是屬拖紳遽聞

拖徒可切引也論語云疾  
君視之東首加朝服拖紳

卷衣已復

卷與捲同復始死之招魂也禮記喪大記曰  
復者皆升自東榮中屋履危北面三號捲衣

投于禮備賄贈

潘本贈作賄賄芳鳳切賄符遇切公羊  
曰車馬曰賄貨財曰賄注皆助生送死

之恩加命服寔宥有時

寔之倫切厚也宥音夕夜也  
左傳寔宥之事注猶長夜也歲

月逾感播等猥備官屬况當薦延承其規模奉以周旋  
近或逾月遠則累年咸承至公官守獲全故事盡在遺  
風藹然俯仰庭除顧慕潺湲致誠一觴拜訣堂筵嗚呼  
哀哉

爲韋京兆祭杜河中文

韋夏卿  
祭杜確

維年月日甲子京兆尹韋夏卿謹以清酌之奠敬祭于  
故河中節度贈禮部尚書杜公之靈自古謀帥恒在諸  
儒晉登郗縠亦以詩書

却乞逆切左氏作卻俗從去穀  
胡谷切左傳唐公二十七年晉

作三軍謀元帥趙襄曰卻殺可說禮樂而敦詩書

爰及近代二柄殊途授鉞之

臣率由武夫時惟明靈道冠學徒天子有命總其戎車

何以邦之維絳及蒲

州名並屬河中

有山有河殿此大都

殿下練切

鎮也焜耀昌時振宣後學命服之盛光于列岳謂保豐福

永縻王爵壽如何期神不可度

待洛切

嗚呼哀哉大厯之

歲詔徵茂才時忝同道

一作科

俱起草萊懷策既陳綸言

煥開考第居甲

大厯二年夏卿與弟正卿及確同舉賢良方正高第

自天昭回分

命邦畿

夏卿初為高陵主簿

步武獲陪同志為友星霜屢迴長我

十年禮宜兄事

記曲禮十年以長則兄事之

周游歡洽莫不如志于

後多幸謬列周行

潘云行戶剛切詩實我周行注行列也置周之列位箋謂朝廷臣也左傳

襄公十五年注周偏也言偏於列位

又同制書並命文昌及余稍遷吏部

為郎公屬中兵此焉分行

夏卿為吏部員外郎確為兵部員外郎

再獲聯

事東西相望

望音志

出處同道樂惟其常後余出刺九載

南服

夏卿自給事中出為常蘇二州刺史

公自左輔遂膺推轂

推通回切史記王者

之連將也跪而推轂貞元十五年以同州刺史杜確為河中尹河中晉絳觀察使

我勤魏闕爰

總九流

貞元十五年夏卿為吏部侍郎九流九品也

誰謂河廣願言莫由烹

魚之問往復相醺惠好斯厚惟以綢繆綢直由切繆莫彪切余弟

宗卿獲庇仁宇

韋宗卿為河中從事

命佐廉問忘其愚魯假以羽

翼俾之騫翥

騫音軒翥章起切飛舉也

惠文戔戔

惠文冠也秦時法吏冠柱後惠文

赤紱在股

紱音弗詩作芾諸侯以赤韋為之古祿膝之象此謂韋宗卿

榮映斯極從

容何補承慶惟深報恩無所嗚呼哀哉天子震悼哀我

良臣密印追贈尚書禮殷四方興嗟况此故人循念平

昔徘徊悲辛卜葬斯及禮儀畢陳敬薦行潦洩哀茲辰

嗚呼哀哉

爲韋京兆祭太常崔少卿文

韋夏卿

維年月日甲子京兆尹韋夏卿謹以清酌庶羞之奠敬祭于亡友故太常少卿崔公之靈惟靈率是良志蹈其

吉德炳蔚文彩周流學殖

丞職切左氏大學殖也注殖猶生長也

孔氏之

訓專其傳釋黃老之言探乎幽蹟

土革切

六書奧祕是究

是索

六書一曰象形二曰指事三曰會意四曰假借五曰諧聲六曰轉注並字學

叩爾玄關

保其真宅藝成行備披雲騁跡康莊未窮

爾雅道五達謂之康六達

謂之莊

濛汜已極

潘云汜音似楚辭注汜水涯也言日出東方暘谷之中暮入西極濛水之涯



嗚呼哀哉夙歲同道從容洛師

書洛誥朝至于洛師唐東都

接袂交

襟以邀以嬉策駕嵩少

嵩夫乃切少夫照切嵩高少室二山名在河南府

沂舟

渥伊

沂音素渥伊二水

笑咏周星

左傳一星終夫謂十二年

其樂熙熙丹霄

可望青雲可期洛中十友談者榮之惟鄭洎齊各登鼎

司

鄭餘慶齊映

或喪或存山川是違繫我夫子

繫烏兮烏帝二切

宜

相清時命之不遐孰不悽悲嗚呼哀哉往佐居守及爾

同寮笑邀交歡匪夕則朝入同其室出聯其鑣

早驕切馬銜也

投文報章既歌且謠及我為郎優游吏部公為御史持

憲天路文陞徐趨眷戀相顧歡愛之分有加于素自我  
于邁歷刺東吳離憂十年復會名都余為侍郎銓總攸  
居實得茂彥奉其規模聯事合情又倍其初我尹京兆  
公亞奉常步武相望佩玉以鋸謂保愉樂長此翱翔抱  
疾幾何忽焉其亡嗚呼痛哉原念往昔愛均骨肉我有  
書笥盈君尺牘寤言在耳今古何速失涕興哀匍匐往  
哭撫筵一呼心焉摧剝普木切日月逾邁佳城遽卜素車  
千里遙遙山谷遠於危切晦爾精靈藏之斧屋禮記檀弓

曰吾見若覆夏屋者夫見若斧者夫馬鬣封之謂也嗚呼哀哉丹旌卽路祖莫在

廷去此昭昭就爾冥冥敬陳酒酌以告明靈

詩大雅洞酌彼行潦

注水之薄者速酌取之

臨觴永慟庶寫哀誠嗚呼哀哉伏惟尚饗

爲李京兆祭楊凝郎中文 李實

維貞元十九年歲次癸未四月辛未朔某日檢校工部

尚書京兆尹司農卿李實謹以清酌庶羞之奠敬祭于

故兵部郎中楊公之靈惟靈清標霜潔馨德蘭薰沖和

茂著孝友彰聞濬發洪緒激揚清芬思倖德祖

思蘇逸切後漢

欽定四庫全書

卷四十

楊脩字德祖

學紹子雲

楊雄二事並楊姓

瑩彼靈府彬其英文吐論

冠時舒華軼羣

軼音逸

百氏之奧一言可分旁貫釋老豈

伊典墳謂躡公相

躡泥輒切

贊揚聖君高山安仰逝水沄沄

嗚呼哀哉惟是伯仲並為士則

疑兄憑弟凌皆有名於時

連擢首科

大歷九年憑中進士第十三年疑中進士第

迭居顯職公之懿美發自朋僚

播于四方令問克昭炯然獨識卓爾孤標翼翼其容羽

儀清朝載筆東掖動無不紀

振夷益切疑為右史書事不回

起草南宮

時論增美

疑遠司封員外郎革正封邑申明嫡媵正聲彰聞

大梁有艱天子是

使

貞元十二年凝為宣武軍節度判官是時宣武帥李萬榮卒其子擅領軍務

密勿之謀唯

道是履復歸即署職茲中兵

貞元十八年凝起家為兵部郎中

簡稽無

撓以考其成

周禮遂人注簡稽士卒兵罷簿書簡猶閱也稽猶計也

英風未攄沉

痾遽嬰

痾於何切病也

孰云積善降以促齡昔歲江表獲同宴

語謬為好仁不我遐阻公之元兄

謂楊憑

復惠德音優游

多暇眷眄逾深清言盈耳尺素相尋冀茲競爽

左傳昭公三年

晏子曰二惠競爽猶可又弱一个焉姜其危哉

焜耀儒林及此彫落祇摧我心

嗚呼哀哉遣車就引

潘云遺語戰切禮記雜記注遣車載所包遺奠而藏之者大夫以上

乃有哀挽先路

挽無反切引也挽歌者喪家之樂執紼者相和之聲

迅風悽悲顏

景幽暮傾都殄瘁揮涕相顧矧茲故人誰任痛慕潢汙

一觴詎寫平素尚饗

爲安南楊侍御祭張都護文

祭張舟

維年月日故吏某職官某敬祭于故都護御史中丞張

公之靈交州之大南極天際禹績無施秦強莫制或賓

或叛越自漢世聖唐宣風初鮮寧歲稍臣卉服漸化椎

髻

椎傳追切髻音計

卒爲華人流我愷悌士變之理惟公克繼

三國吳志士燮字彥威漢末為交趾太守在郡二十年疆場無事

勤勞遠圖敦贊嘉惠

銅柱南表前功載修

元和元年張舟自安南經略副使遷都護本管經略使乃復銅柱以

正封空道北出

空輿孔同張騫傳樓蘭姑師小國當空道

式遏蠻陬

將侯切聚居也

一曰梯航連連旌旆悠悠輻湊都會皇威以流方荷天

寵宜公宜侯聲馳帝鄉魄降炎州

禮記體魄則降謂死也

嗚呼哀

哉公昔試吏時推清能公昔秉輅

輅音遙使者車謂人為安南經略巡官

知準繩鰥嫠以安征賦用登柱史稍遷郎曹繼昇程功

佐理海裔斯澄

張舟三歷御史檢校尚書禮部員外郎轉禮部郎中為安南副都護充經畧副

欽定四庫全書

卷四十

使乃紀南方專任是憑

謂遷檢校太子右庶子兼安南都護兼御史中丞充本管經略

安撫處禮分五玉恩錫百朋

尚書修五禮五玉毛詩菁者莪錫我百朋注古者

貨貝五貝為朋百朋言得祿之多

開府辟掾羣英攸屬顧茲陋微敢廁

甄錄

甄稽延切

既受筐篚載加命服賜有楚冠用慙旁角

澤旁

買切續漢志云擗旁神羊能別曲直楚王嘗獲之故以為冠

星言赴命注望幃幄

幃一

本作惟字視險如夷瞻程非邈伯氏左官

謂侍御之兄

爰滯中途

流連隱憂言念涕濡子姓莫在使命頻殊

一本命作令

兢魂

弔影敢廢斯須情留江徼

詩此



弟綽綽有裕

義乖從役顧慕長慟展轉增惕精力猶在

潘云

呂脊骨也或從肉此宜作旅詩旅力方剛注旅衆也

中腸屢激方俟銷憂永期投

跡謙德不福法星降災庭懸遽徹

禮記大夫無故不徹懸注懸樂花鐘磬之

屬喪則微之

駟訃爰來

駟音日驛傳也

撫躬益恨循顧增哀瞻容莫

及報德何階轎車北轅

童云轎音齒喪車也

申奠克諧望拜徒至

音塵永乖南州斗酒

後漢曹操祭橋玄墓曰奠難斗酒過相沃酹

庶寫幽懷

祭萬年裴令文

裴瑾字封叔

惟靈孝友之性寔惟天與飾以儒書洽其譽處枵然其

量

潘云枵虛驕切疑當作嘔虛大貌莊子非不嘔然大也

廓爾其宇人以義來我

以身許褰裳赴急不避寒暑交半域中多容鮮拒賢於

博奕媚茲讌語或泛或沉兩得其所考禮成文墜章克

舉

唐自開元制禮去國恤一章累聖陵寢皆因事肇綴裴瑾佐杜黃裳聯奉崇陵豐陵禮儀乃撰二陵集禮

藏之南閣

展樂承職音官式序

裴瑾為太常主簿作坐立二部伎圖

既聯奏復

謂二陵集禮

亦圖冀虛

音笋巨懸鐘磬者橫曰冀立曰虛

播在奉常永傳儀

矩脫略細謹傲忽煩言坦然自居無顧仇怨

潘云叶韻音宛擊也

志也文選空負百年怨

卒成官謗莫究禍源坐黜中徙再期騰騫

音軒飛貌下從鳥裴瑾為金川猶吏所諧  
御史按章具獄再謫道州涪州為佐據孰云蓄憤遽

此歸魂嗚呼哀哉世稱姻黨鮮克終吉唯我與君久而

逾密追惟淑德嬪于君室

瑾娶子厚之姊

上順尊卑下歡儔匹

致其孝敬式是仁恤爰及童孩處心勿失君之仲季

瑾兄

堅弟植頃皆有文

茂於文術游藝相從操觚散帙

潘云操倉刀切觚音孤選

文賦或操觚而率爾注觚木之方者古人用以為筆誤矣顧

余蹇劣廁迹奔逸

莊子顏回曰夫子奔逸絕塵而回瞠乎在後

二紀于今交

情若一屢聞彫缺互見遷黜契闊伶俜

潘云契語結切詩死生契闊注

勤苦也伶音零傳普丁切行不正貌一云猶零丁也流落貌

分形間質

間音間廁之間

方期

末路稍追曩日時不我謀於焉斯畢營營衛尉

瑾之兄弟獨

守邦秩想其永哀淮海蕭瑟嗚呼哀哉聞疾馳簡其命

未返翩其訃書來自番禺

童云番禺音潘禺音愚番禺二山名在南海今廣州

塊

守窮荒山變與居

潘云變渠追切國語木石之怪曰變蜩蟬越人謂之山猴人面猴身能言

獨有眉不申有志不舒況逢零悴當此囚拘拊膺長慟

長慟何如

一本作天道何如

菲禮無取沉哀有餘嗚呼哀哉

祭呂敬叔文

呂恭字敬叔呂溫之弟

維年月日朔友人從內兄守永州司馬員外置同正員

柳宗元謹以酒肉之奠致祭于亡友呂敬叔之魂嗚呼

鞠躬歷聘或以不答

孔子也

屠漁乖離夫何克合

太公望屠於朝

歌釣於渭濱

大或不容小或見遺往來逢迎今古參差

參初金初

差初宜切

惟子之中忠勇充之以誠與物退受其疵智謀宏

長辯論恢奇巖峩博大

巖一本作巍

與世異姿何付之器而

躋於時

躋音致

常曰余武王功是期誓耆其力以達皇威

耆梁伊切又音旨詩碩者定國功

邊鄙不靖俾供與師

左傳成公二年母令與師陷入

君地與衆也呂恭為山南西道掌書記江西諸侯順道  
團練使參軍桂管防禦使嶺南節度判官

戎貆咸宜今其沒矣哀志之達知之無補世又罕知嗚  
呼哀哉昔與子游尚疑其志及觀其長誠任其事日異  
其能歲增其智進如川行浩浩而遂天乎有亡中道是  
棄余慎取友惟心之度周遊人間餘二十年擯辱非耻  
升揚非賢一貫於道無四五焉子之我知不以事遷言  
而見信貌阻心傳我黜終世子天於前徒稱子志誰信  
我言與子俱已孰云後先惟子之兄

謂呂

志同義比官

刺一州四十而死于仕方初百年有幾如何默默去我

遄已

遄市專切疾速也

有穉之妻有弱之子海孺東周號哭萬

里

孺而宣切海孺循州敬叔死處東周洛陽敬叔葬處

葬紉之行獲出於此

童云紉直

忍切說文牛系也與紉通周禮封人置其紉此謂永州

爰陳酒肉式嘉且旨讀茲

哀辭以奠而誄

魯水切

嗚呼敬叔吾道已矣尚饗

祭崔君敏文

永州刺史

夫產崑崙者難為玉植鄧林者難為木公以令望顯於

華族藝遠六書

字書也

學該七錄

阮孝緒所集

耽此黃老

耽丁含切

恬於寵辱入補黑衣

戰國策左師觸警曰願得補黑衣之數以衛王宮謂崔敏以千牛備

身佐環衛也

出參旬服

敏為藍屋三原藍田尉三邑皆屬京兆

紀綱淮海政令

惟肅

書禹貢淮海惟揚州謂敏遷揚州錄事參軍

宰制岳瀆周於仁育

謂為許州

臨潁汝州龍興令

儲闡典議直清攸屬

之欲切謂自揚州入為太子司議郎

久次

推能二州繼牧

謂為歸州刺史遷永州

至於是邦率由舊俗和易

勿亟優游自足既有少吏勤於庶獄妖誣殄除淫詞翦

覆出令三歲人無怨讟

徒谷切

進律未行歸神何速某咸

以罪戾謫茲炎方公垂惠和枯槁以光鳴鸞適野泛鷁



沿湘

童云鷗倪歷切亦作鷗船首畫鷗

廣筵命樂華燭飛觴高歌屢舞

終以無荒紛慮斯併憂懷暫忘良時不再斯樂難常今其奈何顧慕感傷嗚呼室有迭去川無息流追懷曩辰恍若夢遊奠徹中寢魂遷乘舟邦人永思匍匐隱憂況我懷德心焉若抽潔誠可鑒蘋藻非羞

### 祭段弘古文

世病乎直人悅其和行而不容雖聖奈何提其信義誰與同波硜硜以終

硜邱耕切堅勁貌

堅不可磨游得其人友擇

其益

弘古見李景儉呂溫留門下夜與言不知日出溫卒景儉逐乃南見劉禹錫柳宗元二人言於崔公

公時治永州知其賢始如可進終會於厄精誠介然將貫金石追

思懷舊興詞憤激君昔來辱備聞嘉言宵會北堂晝宴

南軒去適於越

弘古南抵容州實羣過桂桂守拒不為禮憤起發病死進旅中

不日其

旋載除我居望爾北轅今者之來丹旄有翩閼茲英志

限此中年嗚呼哀哉居實斯貧有子而幼孰云履信惟

天所佑道途之資敢廢於舊志君之行銘石斯授有潔

其觴有楚其豆庶鑒於誠臨茲饗侑

祭李中明文

李行敏  
字中明

致祭于亡友中明之靈夫子之道邈以恒兮夫子之志

勵以兢兮求中慊末若履冰兮敦仁以孝實蒸蒸兮唯

毀死虧禮其他莫懲兮

一本作誰毀無  
虧禮莫微兮

秉端守一信厥

明兮月踰歲長行若登兮外溫其顏內類直繩兮謾言

來加不遽陵兮舉世羣非自視弘兮庶優游於道大賚

是承兮掩冤舒抑與類升兮胡茫茫其不信卒以禍仍

兮豈韜忠哀信

一作履誼一作  
履信哀一作衷

鬼所憎兮將教言吾欺

終不可徵兮吾方期子於暮冀有興兮今而弃余志若

崩兮若將援而上喪厥肱兮怛其殞心交背膺兮水之

綿綿山萬層兮又淫以雨雪紆委礪礪兮

張云礪綺貌切礪字登切

並石貌

鴟鵂夜啼羣暝凝兮

鴟與鴟同充脂切鴟鵂鳥名或音鴟者誤

魂鬼以行中道殘殍兮

一本鬼作思童云殘力并切殍集韻巨典切唐韻其矜切殘殍

鬼出貌殍又其極切殍殍欲死貌

魑魅搗呵曷可憑兮

魑丑知切鬼屬魅莫覲切老精

物搗音麾指搗也何切責也怒也與訶同

聊致吾慎斯言孰稱兮

慎一本作憤

哭張後餘辭

并序

後餘常山張氏孝其家忠其友為經術甚邃而文少余  
七年頗弟畜之與之居終日沖然忘其有人與之言鏗  
爾而厲辯而歸乎中凡人有道而不顯於世則曰非其

世也

一本無則  
曰二字

道而得乎世然猶不顯則曰命

猶一本  
作而字

命之微不可知知而索乎外者曰性與貌後餘之性可

謂良矣其貌可謂肅矣

一本無可  
謂肅矣字

博實弘裕宜為大官

者老求其所以天賤無可得焉既得進士明年疽發髀  
卒後餘之死人咸痛之曰天之佑善人而殺是子何也

激者曰天之殺恒在善人而佑不肖莊周之說以為人之君子天之小人張君豈天所謂小人者耶是二者又非論之適也吾謂善與惡天與壽貴與賤異道而出者也無取喜怒於其中道之出者多其合焉者固少是以君子之難貴且壽也後餘母老而喪良子東西行者助之哭焉況其知者耶然後餘不與諂冒者同貴不與悖亂者同壽歸潔乎身聞道而死雖勿哭焉可也嗚呼

一本此下

有向

更使既聞道而且貴且壽則其顯庸也遠矣又烏

能勿痛乎遂哭之以辭嗟嗟張君善不必壽惟道之聞  
一日為老人皆反是百稔猶幼子之優游是亦黃耆嗟  
嗟張君寵不必貴尊嚴為仁早服高位淫諛肆慾銀艾

淪棄

銀印艾綬也

子之崇高無媿三事吾見皤皤而童

皤博何切

赫赫而辱進襦袴於几杖負泥塗於冕服已雖有餘人  
視不足子之跡不混乎其間者幸也宜賀而弔宜歌而  
哭吾其過乎與其寵而加貴善而加壽道施於人慶及  
於母從容邦家樂我朋友豈不光裕顯大歟而不克也

則弔而哭者其無過乎嗚呼

楊氏子承之哀辭

井序

楊憑之姪

楊氏子承之既冠有成人之道其明年四月不幸而夭其外姻解人柳宗元為之慟且出涕噫是子也氣淳以愿志專以勤確然而直方吾未知其止也作辭賦書論其言甚偉余方愛之謂可以為器者故不知慟且出涕況其親戚者乎凡天之生物也不類精麓紛疵一本作賢愚混同或遠而合或親而殊然則雖人親戚亦將有

疵一本作亂



不克知其美者若楊氏子者其親戚皆賢咸得知之者也使知之徒以增其悲愁怨號之聲無為也用是為之

辭以相其哀焉

相忍  
亮切

葆醇熙兮承貞則懿文章兮好循直誠耿介兮又綽寬  
學之勤兮行彌專質圭璋兮文虎豹超凌厲兮馳聖道  
力未具兮志求通道之遠兮足先窮有母嗷嗷兮有弟

哀號

嗷音  
叫

世父孔悲兮湘水滔滔去昭曠兮沈幽冥魂

冥冥兮竟難託

難一本  
作誰

死者靜兮生者愁子之淑兮徒

增憂志甚良兮命甚蹙子之生兮又何欲悲吾耳兮動  
吾神誰使子兮淑且仁嗚呼已乎不可追終怨苦兮徒

何為

徒一本  
作獨

柳河東集注卷四十